

# *VHAHEVHERU, NDIMA YA VHUVHILI*

¶ . . . -diphina, ndo vha ndi fhano kilasini nahone ndo diphina nga . . . [A hu na tshithu kha theiphi—Mudz.] Huno zwino Bugu ya u thoma ya Vhahevheru, ndi Paulo, ri wanulusa, kana u tenda. Vhorathiolodzhi vha magumoni; a vha divhi uri ifhio, kana ndi nnyi o I ñwalaho. Fhedzi, ndi a tenda, muñwe na muñwe a na vhūtalukanyi vhūtuku ha tshimuya a nga kona u vhona uri ndi Paulo. Zwo—zwo tendwa, nga vhunzhi ha vhañwali, uri ndi Paulo. Na uri o ralo hani . . .

<sup>2</sup> Kha ndima ya 1, ri wana uri yo vha i tshi khou hulisa Murena Yesu. Oo, o sumbedza hani, u sumbedza nga—nga tshone tshenzhemo tshe a vha natsho ndilani ya u ya Damaseko. Zwino, Paulo o vha o ralo, na u rangani hazwo, rathiolodzhi wa vhukuma. Paulo o funziwa fhasi ha Gamaliele, muñwe wa vhadededzi vha khwiñe vha lia ñuvha. Huno o vha o thanya na vhūtali, nahone o vha a mutshudeni o fhañuwaho wa Bivhili.

<sup>3</sup> Huno ndo wana hezwi, musi a ndilani yawe ya u tsa Damaseko, na marifhi tshikomani tshawe, ha u fara vhothe avho vhe vha vha vha kha ndila ya kale ya Mafhungo madifha, nahone hoyu muthu o vha a kha vhungoho. Fhedzi, ndo dzulela u tenda uri u bva tshe Paulo a vhona St̄efana a tshi fa, ndi elekanya uri izwo zwo mu kwama. Musi a tshi shela mulenzhe kha lufu lwa St̄efane, nahone a fara dzhasi ya avho vho mu kandaho nga matombo, zwenezwo Paulo o vha a na mulandu wa malofha a St̄efane. Huno a bula, nahone a ri, “A tho ngo fanelwa,” a ri, “ngauri ndo shulula malofha a Wawe—a Wawe, vhavhulawa, St̄efane.” Ngauri, o zwi tanziela.

<sup>4</sup> Huno arali na vha ñanzi ya tshiñwe tshithu, ni na mulandu u tou fana na musi no vha tshipida tshazwo. Ngauralo arali ra vha ñanzi, ni ri, “Oo, ee, vho vha vho fanela vha so ngo ita hezwi, hezwi *zwikene na zwikene*,” ñagomelani zwine na amba, ngauri ni na mulandu wa ndila ine na ñea khañhulo ngayo. Arali ni sa koni u dzhia tsheo, ni so ngo amba tshithu, itanu zwi litsha zwo ralo. Zwenezwo musi ni tshi ñanziela uri ni Mukriste, zwenezwo ni na mulandu. Ni a vhona? Ni na mulandu wa u vha Mukriste, nahone ni tea u tshila ni tshi swikelela zwenezwo. Huno musi Mudzimu a tshi ñeya yone—yone Pfulufhedziso kha Bivhili . . . Ndi vhona muthu hafha kha wilitsheya. Musi Mudzimu a tshi ñeya Pfulufhedziso, U na mulandu wa heyo Pfulufhedziso nnqani ha musi A I vuledza. Mudzimu u na mulandu musi A tshi ñeya Pfulufhedziso. Huno

Mañwalo a na mulandu u swika A tshi vuledzeya. Ni a vhona? A ralo—A heneffo sa—sa tshitatamennde tshe Mudzimu a amba. Huno Zwi tea u vuledziwa kana Mudzimu u na mulandu. Ni a vhona?

<sup>5</sup> Huno-ha Paulo, sa mudededzi, huno a ndilani yawe ya u ya Damaseka ilo ḋuvha, nga vho, ho no vha luswiswi nga vho madekwana, ndi a humbulela. Ho vha na Tshedza tshihulu tsho penyaho u bva Tađulu, huno Tsha mu pofudza, huno a—a wela phasi. Huno a ri u khou ṭoda u ḋivha uri ndi Nnyi. U ri Ipfi ṥa amba, huno ṥa ri, “Saulo, Saulo, ndi ngani u tshi Ntovhola?” Ndi a tenda ndi ndima ya vhu 8 ya Mishumo.

Huno a ri, “Ndi Nnyi ane nda mu tovhola?”

<sup>6</sup> Huno Ipfi ṥa vhuya murahu, huno ṥa ri, “Ndi nne Yesu.” Oo! “Ndi nne Yesu, nahone zwi tshi khou kondela u raha mupfa.” Huno Yesu o vha a mini nga itsho tshifhinga? Yesu, O vha a Tshedza, Tshedza tshihulu tshi tshi penya nga maanda.

<sup>7</sup> Zwino uri ri dītuwedze nahone ri na mvelaphanda hafha. O vha a Tshedza hani, ngeno O vha a Muthu? Zwino, a hu na na muthihi . . .

Ho vha hu na tshigwada tsha masole tshe tsha vha tshi na Paulo, vhalindi vha thembele, vha tshi khou tsela phasi u ya u fara. Paulo o vha a ene mulangammbi muhulwane. Huno vho vha vha tshi khou tsela phasi u ya u fara havho vhathu, nga nthani ha dzikhampheini dzavho na zwinwe, na fulufhelo ḥavho ṥa vhurereli ṥe ṥa vha ḥi ngomu havho.

<sup>8</sup> Fhedzi, zwino, afha ho vha hu Yesu sa Tshedza tshihulwane. Zwino, arali ni tshi elelwa, u rangani, Yesu o vha a Tshedza. Yesu o vha a Logos yo bvaho kha Mudzimu. Huno O vha a . . . O vha a Muruňwa wa Mulanga o rangaho phanda vhana vha Isiraele ngei sogani. Huno O vha a Khavhu ya Mulilo ye vha lavhelesa khayo. Nahone O vha a . . . Huno musi A fhano kha lifhasi, O ri, “Ndi bva ha Mudzimu, nahone Ndi vhuyeleta ha Mudzimu.” Ngauralo arali A tshi bva kha Khavhu ya Mulilo, a da kha Muthu, zwenezwo arali O humela murahu kha zwe A vha a zwone, O humela murahu kha Tshedza hafhu. Huno O vha a heneffo musi Paulo a tshi Mu vhona, O vha a Tshedza.

<sup>9</sup> Zwino, hayo masole othe e a vha a na Paulo ho ngo vhona Tshedza. Zwenezwo zwi a konadzea uri munwe a kone u Tshi vhona huno munwe a si kone u Tshi vhona? Zwo tou ralo. Zwo luga. Ene, Paulo, o Tshi vhona, fhedzi vhañwe vhothe a vho ngo vhona Tshedza.

<sup>10</sup> Zwino, musi Petro a khothoni, ri wana uri hetshi Tshedza tsho dzhena ngomu khothoni, tsha vula miñango. Huno o vha a . . . Hetsho Tshedza tsho pofudza vhalindi vhothe, musi vha tshi bva, Petro a tshi khou ḫuwa. Huno musi a tshi swika munangoni, wa ḋivula, nga vhudziki, wa fhedza wa valea murahu ḥawe. U bva ngomu khothoni, a ya kha vothi ṥa nn̄da. Wa ḋivula, wa

dovha wa valea nga vhudziki. Huno-ha a ya kha gake, a bvela nn̄da kha tshiṭaraṭa tsha dorobo. Huno a sikiṭedza maṭo awe, sa u tou ri, “Kani ndi ndi tshi khou ḥora?” Ho ngo ḫivha zwe zwa itea. Fhedzi, Muruṇwa wa Murena, Muruṇwa muthihi we a vha a Khavhu ya Mulilo we a endedza Mushe a ya lwanzhe nahone a lu vula, oo, huno Lwanzhe lwo Faho... Lwanzhe Lutswuku lwa bva mbondo thungo na thungo, huno Isiraele ya fhira.

<sup>11</sup> Huno musi vha tshi swika Yorodane wo ḫala, afho Ene muṇe ho ngo ḫivhonadza. Fhedzo O vha a henefho, ngauri O tou u vula. Huno vha fhira nga Lambamai, musi midavhi yo ḫala mad̄i. Huno A dzula nga tshifhefho, nahone A thivha mahada uri a si ḥoke, ngauri ho ngo ita mbondo a tshi gonya na u gonya; o sokou ima. Uyo ndi Yehova washu. Uyo ndi Murena Yesu washu. A sokou ima; huno vha tshimbila kha shango ḥo omaho.

<sup>12</sup> Zwino, Mudzimu o fulufhedzisa uri U do vha londota, ngauralo O vha o vhofheya kha pfulufhedziso Yawe. Zwino, Paulo, a tshi ḫivha hezwi zwithu, nahone a tshi vha ḫivha, o vha o shudufhadzea, ngauri Mudzimu o vha a tshi khou amba tswititi na Paulo. O vha a sa khou amba na masole e a vha a nae. O vha a tshi khou amba na Paulo fhedzi.

<sup>13</sup> Zwino, musi ene—musi ene Muruṇwa wa Murena a tshi tsela phasi, kha tshivhumbeo tsha ḥaledzi; na vhalavhelesi vha ḥaledzi, vhatu vha vhatu vha ngei India, musi, vho vhona Naledzi nahone vha I tevhela lwa dzimaela dza madana. Huno Ya fhira ḥtha ha mulavhelesi muṇwe na muṇwe, ngauri vho vha vha tshi tevhedza tshifhinga nga ḥaledzi. Huno a hu na na muthihi we a vhona iyo ḥaledzi nga nn̄da ha vhanna vha vhatu. Oo, nne-nne! Naa izwo a zwi ni dzinginyisi? [Tshividzo tshi ri, “Amen.”—Mudz.]

<sup>14</sup> Zwenezwo, ni a vhona, Mudzimu ha shumi na madzangano. Ha shumi na zwigwada zwa vhatu. U shuma na muthu a eṭhe. U Didzumbulula kha muthu a eṭhe. Huno zwino—zwino u itela u amba hezwi, hu si hezwi... Mudzimu u ya ḫivha mbilu yanga. Hu si u amba hezwi u itela nne muṇe, thendo dzanga nne muṇe; zwino, u itela u vha henefho. Fhedzi, naa no vha ni tshi zwi ḫivha, ula Mudzimu muthihi, ula Yesu muthihi, u na riṇe ano matsheloni? Ni a zwi ḫivha, muṇwe na muṇwe u na vhatuku, vhatanzi hawe vhatuku ha izwo zwino, ha uri U fhano? Huno ndi... O ri itela zwiṇwe zwithu kha ḥino duvha zwe A si ite kha manwe maduvha; O tendela Tshifanyiso Tshawe tsha dzhiwa kha ḥino duvha. Ri Natsho tsho nembelela *henefho*. Ni a vhona? Khavhu ya Mulilo, Murena Yesu muthihi.

<sup>15</sup> Lavhelesani uri U shuma hani zwino. Arali A Murena Yesu a sa shanduki, U do ita zwithu zwi fanaho, ngauri Bivhili yo ri, “Ha shanduki mulovha, ḥamus, na lini na lini.”

<sup>16</sup> Zwino, phanda ha musi Paulo a tshi nga ḫivhadza tshithu, arali izwi zwo vha zwi zwone kana zwi si zwone, o thoma a ya

Epipita nahone a fhedza miñwaha miraru, u wanulusa arali zwi tshi tendelana na Luñwalo kana hai. Na ni tshi zwi ɖivha izwo? Murahu ha u shanduka ha Paulo, o ya Epipita lwa miñwaha miraru. A dzula heneffo, nahone ndi heneffo he a guda hovhu vhuṭali vhuhulu.

<sup>17</sup> Zwino, ndi sa khou vhambedza na luthihi, ndi khou tou ni neya uri Muya Mukhethwa a u shanduki hani. Zwino, tshivhidzo tshanga hafha tshi a elelwa, miñwaha yo fhiraho, musi hoyu Muruñwa a tshi ralo u bvelela nahone a sumbedza zwithu. Ndo vha ndi tshi Zwi timatima. Ni a zwi ɖivha nothe, vhoiñwi vha zwifhinga zwa kale. Arali na... Arali izwo zwi zwone, imisan tshanda tshañu, musi ni tshi pfa. Ee. Lavhelesani, lavhelesani kha tshivhidzo, fhedzi-ha, u bva kha vha zwifhinga zwa kale. Ni a vhona? Nda ndi tshi timatima, ngauri vhareri vho mmbudza uri Zwo vha zwi zwa diabolo. Huno nda zwi tendanyana, fhedzi nda lindela. A tho ngo amba tshithu Ngazwo.

<sup>18</sup> Fhedzi, oo, kha hu rendwe Dzina la Murena! Vhuñwe vhusiku, ngei seli, A tsela fhasi, Muruñwa, huno a Zwi dzumbulula kha Mañwalo, uri O vha a ene. Huno musi ndi tshi Zwi vhona kha Mañwalo, zwenezwo u huwelela u mona na shango Ngazwo, Mulaedza.

<sup>19</sup> U bva heneffo ha bva Oral Roberts, A. A. Allen, Tommy Osborn, Tommy Hicks, na vhañwe vhanzhi. Ni a vhona? Ndi Mulaedza u ya ho kha vhathu.

<sup>20</sup> Huno Yesu ha shanduki mulovha, ñamusi, na lini na lini. Zwi Luñwaloni, Ha shanduki. U ita zwi fanaho. U dzula o ralo. Nahone U shuma zwi fanaho. U ɖivhonadza nga ndila i fanaho. Huno U fhano, ano matsheloni, ene a sa shanduki. Zwino ri a kona u Mu vona; ri nga ralo u kundelwa. Hu nga vha tshini kana tshini, ri na vhuñanzi zwino uri U fhano.

<sup>21</sup> Zwino, ri wanulusa uri, Paulo, nga hetshi tshenzhemo, na u nwala haya marifhi, vhunzhi hao, u bva khotthoni, o vhambedza Thestamente ya Kale na Ntswa. Zwino elelwani, muñwali wa u fhedza wa heyi Bivhili, nga thuñhuwedzo, Mudzimu o tsela fhasi nahone a mu vhudza, "Arali muñwe muthu a engedza tshiñwe tshithu Khayo kana u fhungudza Khayo, onoyo u ðo bvísua kha tshipida tsha Bugu ya Vhutshilo, u itela ene." Ngauralo a ri nga engedzi tshithu Khayo. Oo, I tea u dzula nga ndila ine ya vha Ngayo, a hu tei u vha na tshithu tshi no engedziwa Khayo. Huno ri tea u tanganedza tshini na tshini tshi re ngomu Hayo. A thi ṭodi zwiñwe zwinzhi, nahone a thi ṭodi zwiñuku. Ndi khou ṭoda kokotolo zwine Ya amba.

<sup>22</sup> Zwino, heyi Bugu ya Vhahevheru, mbuno ya uri ndi I nange; muhumbulo muthihi, tshithu tshithihi; vhurifhi, "Mukomana Branham a funeaho," na zwiñwe zwinzhi. Huno, ndi—ndi, ri khou ṭoda u dzula na Ipfi.

<sup>23</sup> Zwino, ndima ya 1, ho vha u huliswa ha Yesu, ngauralo Ndi Ene wa ndeme. Huno Paulo o ri dīvhisa, vhuñwe vhusiku, uri O vha a hone u rangani huhulwane. Huno ri wanulusa uri O vha a si tshithu tshiṭuku kha “Meñikesedeke, Khosi ya Salema,” Muhulu wa ndima ya 7.

<sup>24</sup> Huno zwino, ano matsheloni, ri ya Khae u bva kha kuñwe—kuñwe kuvhonele, u bva kha ndima ya 2. Zwino, nga murahu ha musi Paulo a tshi ri neya hoyu muhulu, Mulaedza wa vhudi, wa u hulisa Yesu, “Huno a ita na Vharuñwa uri vha Mu loshe.” Huno ndi elelakanya, hafha, vhunga lifhasi, ndi la kale hani: “Huno U do li peta sa vese, fhedzi vha do lovha, fhedzi Iwe wa sala.”

<sup>25</sup> Huno ngei kha ndima ya 2, kana, ndimana ya 2, ndi tenda ndi yeneyo, “O ralo u amba na rine kha ano mađuvha nga Murwa Wawe.” Huno, lavhelesani, “Nga zwifhinga zwinzhi na zwikhathi zwo fhambanaho U amba nga vhaporofita.” Ro fhira khazwo nahone ra wanulusa uri vhaporofita vho vha vha mini, na uri Mudzimu o disa Mulaedza Wawe hani nga vhaporofita. “Fhedzi kha lino duvha la u fhedza O amba nga Murwa Wawe, Yesu, nga Muya Mukhethwa. O amba nga vhaporofita, zwiла kale.” Zwenezwo ra humela murahu ra wanulusa, havho vhaporofita vhothe vho vha vha na Muya wa Kristo ngomu havho.

<sup>26</sup> Ra humela murahu kha Yosefa nahone ra wanulusa uri o vha a tshifanyiso tsho khunyelelaho kha Kristo. Ra humela murahu kha Mushe huno ra wanulusa uri o vha a tshi fanyisa Kristo lwo khunyelelaho. Zwenezwo ra tsela fhasi na kha Davita. Huno musi Davita o landulwa ngei Yerusalem, a sa dīvhi uri ndi ngani, fhedzi a gonya ntha ha tshikwara huno a lavhelesa murahu, ngei Thavhani ya Miñwari, huno a lilela Yerusalem ngauri o landulwa. Ho no fheila miñwaha ya mađana a malo, Murwa wa Davita o landulwa sa Khosi, ngei Yerusalem, huno a dzula kha tshikwara tshithihi a lila. Oo, Muya wa Kristo, u tshi khou shuma na muthu nga muthu!

<sup>27</sup> Zwino, Paulo a thoma, u ri:

*Zwenezwo-ha ri khou tea u dzhieila nzhele nga  
maanda kha zwithu zwe ra zwi pfa, . . .*

<sup>28</sup> Ndima ya 2, zwino, ri khou thoma.

*Zwenezwo-ha ri khou tea u dzhieila nzhele nga  
maanda kha zwithu zwe ra zwi pfa, zwi sa do ralo . . .  
ra mangala ro zwi litshedza.*

<sup>29</sup> Oo, ngavhe Mudzimu a tshi zwi ombedzela endedza kha ino thaberenakele matsheloni ano. Ndi rabela urai Muya Mukhethwa u džhenise izwo fhasi mbiluni yañu. “Ri tea u dzhieila nzhele nga maanda kha zwithu zwe ra zwi pfa.” Ri tea u vha vhathu vha hani, musi ri tshi vhona Yehova muhulu a tshi tsela fhasi nahone a ita zwithu zwine A ita, nahone ra vhona izwi zwi tshi vhambedzwa, Luñwalo nga Luñwalo, uri ndi Ngoho?

Huno ri dzula u mona tshiñwe tshifhinga vhunga gwati ḥa muri, huno ri si na ndavha. Ri tea u fareledzeya, miniti muñwe na muñwe, ri tshi lingedza u isa vhatku kha Kristo. Ri tea u vha matombo a tshilaho. A ri tei u vha vha tete sa zwine ra vha zwone. Ri ralo u ya tshivhidzoni, nahone ra vhaba Murena Yesu a tshi ita tshiñwe tshithu, kana—kana a ri fhañtshedza nga u ralo, huno zwenezwo ri do ralo—ri do ralo u humela murahu nahone ra ri, “Muñangano wa vhuđi nga maanda.”

<sup>30</sup> Zwino, u rerwa ha Ipfi, ri diphina ngalo, fhedzi hezwo a si zwone zwithu zwa ndeme. Izwo a si zwone. A ri tei u losha Murena nga murahu ha musi u rerwa ha Ipfi hu tshi fhela, sa zwine ra dzulela u ita, sokou nu Mu losha. Izwo ndi zwa vhuđi. Fhedzi ri tea u Mu losha awara iñwe na iñwe ya vhatshilo hashu. Musi ri mushumoni, ri tea u Mu losha. Tshifhinga tshothe tshine tshikhala tsha disumbedza, loshani Murena nga u Mu ḫanziela.

Arali na vhaba, vhañwe vha vhoiñwi vhabumakadzi, na vhaba musadzi a tshi khou khakha, loshani Murena nga u mu dzhia na ri, “Mukomana, hu na vhatshilo ha khwiñe u fhira hovhu.”

<sup>31</sup> Vhoiñwi vhabba mishumoni yanu, musi ni tshi pfa muthu a tshi khou shumisa Dzina ḥa Murena lwa lifhedzi, wanani tshikhala ni ngalangale, huno ni mu fare nga tshanda, huno ni ri, “Iwe, hu na vhatshilo ha khwiñe u fhira hovhu. A u tei u shumisa hayo maippi.” Huno ni mu vhudze nga vhablenda, nga ndila yo khuthalaho. Izwo zwithu zweþhe ndi u losha.

Huno musi ri tshi vhaba muñwe muthu a tshi khou lwala, nahone dokotela lo ri a hu tshe na zwine zwi nga itwa, ri tea u losha Murena nga u vha vhudza, “Hu na Mudzimu wa Taðulu ane a fhindula thabelo.”

<sup>32</sup> Huno musi ri tshi vhaba izwo zwithu zwi tshi itea, zwine ra zwi vhaba zwi tshi itea na u itwa, a ri tei u zwi tendela zwi tshi ri ñutshela. Ri a zwi litsha zwa fhira nga miñweni yashu. Ndi yone thaidzo kha tshivhidzo tshihulu tsha Pentekostala ñamusi. Vho tendela zwidziku zwa tshiliñwa tshi tshi fhira kha miñweni yavho, musi vho zwi fara nga zwanda zwavho. Fhedzi, lavhelesani zwe vha ita, vho ita u fana na zwiñwe zwivhidzo zweþhe. “Vho gidimela kha maa-... kha ndila ya Kora, nahone vha lovha; na ndila ya Kaini, nahone vha lovha kha maambiba a Kora.”

<sup>33</sup> Vho vhumba dzangano. Madzuloni a u vha na vhabshaka ha vhurathu hune roþhe ri nga vha vhatshihhi, vho ñivhumbela dzangano. Vha ita madzangano mañuku na isms ñukhu, huno vha takuwa heneñho huno vha tou kwasha vhabshaka ha vhurathu. Huno arali na sa lavhelesa, Baphuthisi na Phuresibatherieni dzi khou ya u isa phanda, ngauri, “Mudzimu u ya kona u vusela Abrahamu vhaba nga haya matombo.” Huno ro ralo—ro ralo u ñutshela kule kha zwanda nga u sa vha vhatshihhi.

<sup>34</sup> Maindia o lozwa hani lino shango kha vhathu vhatshena? Ndi ngauri vho vha vha si na vhuthihi. Arali vho vha ita vhuthihi vhuhulu... Fhedzi vho vha vha tshi khou lwa nga tshavho. Ndi musi vho fara mavu avho arali vho farana.

<sup>35</sup> Ri khou ya u xelelwa hani? Ngauri a ri vhathihi. Ri lozwa tshenzhemo tshashu na Mudzimu hani, ndi nga u sa vha vhathihi. Ri imisa muthihi, ra vhidza *hezwi* yone—yone Methodisi, na *hezwi* Baphuthisi, na *hezwi* Dzikhuvhangano, na *hezwi* Vhuthihi, na *hezwi tshiñwe tshithu-who*, na tshivhidzo tsha Mudzimu, na Nazarene, na Vhutsinda Vhakhethwa. Ri fhambanya Muvhili wa Kristo. A ri tei u khethekana. Ri nga vha ro fhambana nga kuhumbulele, fhedzi kha ri vhe vharathu mbilu nga mbilu. Mudzimu u khou ḥoda ri tshi ralo. O fela Tshivhidzo tshoṭhe tsha Mudzimu. Huno a ri ḥodi u fhambana.

*Zwino ri tea u dzhiela nzhele nga maanda... zwi sa do ralo ra suvha.*

*Ngauri arali ipfi lo ambiwaho nga vharuňwa lo ima,...*

<sup>36</sup> Ni khou Zwi pfa? “Arali ipfi lo ambiwaho nga vharuňwa...” Zwino, *muruňwa* ndi “murumiwa.” Ipfi *muruňwa* li amba “murumiwa.” Huno ndi kha di tou bva u fhedza, bugu ya 1 hafha, “Mudzimu, nga zwiňwe zwifhinga na zwikhathi two fhambanaho, o amba na vhokhotsi nga vhaporofita.” Avho vho vha vha vharumiwa vha Mudzimu. Huno vho vha vho ralo, arali vho vha vha vharumiwa vha Mudzimu, vho vha vha vharuňwa vha Mudzimu. Murumiwa ndi muruňwa; kana muruňwa ndi murumiwa, zwavhudí-vhudí.

<sup>37</sup> Murumiwa! Ni murumiwa, ano matsheloni. No ralo... Ni murumiwa wa mafhundo madifha kana murumiwa wa mafhundo mavhi. Oo, naa a si zwavhudí, u divha zwauri ri vhađinda, uri ri vharuňwa, vharumiwa vha mvuwo? Huno ri vharumiwa vha Mudzimu kha shango līvhi, uri Kristo u ya tshila. Mbiluni dzashu, U ya tshila. Mimuyani yashu, U ya tshila. Huno O ri takusa kha vhutshilo hu si ha vhudi ha fhasi ha tshivhi, huno a ri takusela n̄ha, nahone a ri neya “ḥaļeļuya” tuyani washu, nahone a ri ita zwivhumbwa zwiswa. Ri vharumiwa, vharuňwa vha Mulanga. Ndi zwavhudí hani!

<sup>38</sup> Huno zwino, kha Thestamente ya Kale, “Arali—arali ipfi lo ambiwaho nga vharuňwa lo ima,” nga izwo lo tea u vha lone. Kha Thestamente ya Kale, phanda ha musi ipfi la muporofita li tshi vhonadzwa, lo vha li tshi tea u ḥoliwa na u līngululwa. Vho vha vha sa dzinginyei ngalo, sa zwine ra vha zwone namusi.

<sup>39</sup> U sokou ya nn̄da na vha na zwipfi zwiňwe na zwiňwe two fhambanaho, kana tshiňwe tshithu, “Oo, vhugala kha Mudzimu, ndi zwone!” Ni khou khakha.

Bivhili yo ri, u ri, “Maduvhani a u fhedza, diabolo u do kopela Vhukriste, zwi do vha tsini, u swika hune zwa fhura Vhanangiwa

arali zwo vha zwi tshi konadzea.” Ndi zwone. Ngauralo, ri tea u zwi Ქola.

<sup>40</sup> Huno mduvhani lavho vho zwi Ქola hani? Nga Urim Thummim. Tshipilakhana tsha Aroni, tshe tsha vha tshi na ayo matombo: barikata, yasipi, daimane, ruby, safari. Hayo matombo oጀhe, ane a fanyisa mabebo a havha vhokhotsi vha fumimbili, o vha a kha tshipilakhana tsha Aroni. Huno musi muporofita a tshi porofita, huno Tshedza tshikhethwa tsha penyela khao, Mudzimu u ri, “Izwo ndi Ngoho.” Fhedzi, hu si na ndavha uri zwi vhonala zwi zwone hani, arali zwi so ngo penyela khao, zwo vha zwi si Ngoho. Ngauralo, iyo Urim Thummim i tshimbila na vhutshifhe.

<sup>41</sup> Fhedzi heyi Bivhili ndi Urim Thummim ya Mudzimu Ქamusi. Huno musi muporofita a tshi porofita, zwi tea u taidza na Bivhili. Zwenezwo, Mudzimu u ri, zwenezwo U ya tsela fhasi nahone a Zwi sumbedza.

<sup>42</sup> Oo, ndi nga Ქeya hani vhugala kha Mudzimu Ქamusi! Ndi khou humbula murahu kha marīwe matsheloni a Swondaha, hu tshi tou fana na zwenezwi, musi ndi tshi khou Ქutshela thaberenakele. Huno vhoiñwi vhathu no vha ni tshi khou lila nahone ni tshi khou nkhumbela uri ndi so ngo Ქuwa. Fhedzi, musi, ndo rera nga Davita na Goliada, na uri ni khou ya u livhana hani na u rothola, shango lo Ქangananaho Ქine Ქa ri maጀuvha a maጀembe o fhela.

<sup>43</sup> Nda ri, “Hu na musonda muthihi muhulu, nahone musi ra nga tou mu vhulaya, vhañwe vha do Ქtuwedzeya.” Huno Murena izwo a zwi tendela. Huno-ha ho vha hu na Oral Roberts na Jaggers, na vhañwe, vha kokodza Banga, huno vha lwa na swina vha Ქi bvisa nnđa ha shango, zwa vala milomo yavho. Vha nga si tsha ri maጀembe ha itei, ngauri kheya afha. Zwo tou ralo. Ipfī Ქa Mudzimu ndi Ქa Lini na lini. Ქi taidzela kha Urim. Ქi taidzela kha Ipfī, iyo ndi Urim Thummim Yawe. Huno musi i tshi taidza kha Izwo, zwo vha zwi zwone.

Huno kha nnyi na nnyi ane a vha na Ქhodea, arali ni muitazwivhi, ni Ქoda u Ქivha uri ni nga tshidzwa hani, “Tendani kha Murena Yesu Kristo.”

<sup>44</sup> Namusi, ri na zwithu zwinzhi zwine na tea u ita. “Ni tea u vula masiaጀari maswa. Ni tea u ita hezwi na u ita izwo, uri ni tshidziwe.”

Ndi elekanya nga mulindi wa khotho ya Philippian, musi hoyu mulindi wa khotho a tshi vhudzisa Paulo, “Ndi tea u ita mini uri ndi tshidzwe?”

Ho vha hu tshi do vha hu inwi kana nñe, ro vha ri tshi do vha ro mu vhudza zwithu zwe a vha a sa *tei* u ita. “U tea u litsha u nwa. U tea u litsha u betsha hau, u betsha hau. U tea u litsha *hezwi*. U tea u litsha *izwo*.”

Paulo ho ngo vhuya a mu vhudza hezwo. O mu vhudza zwithu zwe a vha a tshi khou *tea* u ita. “Tendai kha Murena Yesu Kristo, huno u do tshidzwa.”

<sup>45</sup> Zwino, “Uyo ane a pfa Maipfi Anga nahone a tenda kha Uyo o Nthumaho u na Vhutshilo vhu sa fheli.” Iyo ndi Urim Thummim i tshi khou taidza, Yohane Mukhethwa 5:24. “Ndi nne Murena ane a fhodza malwadze aju othe.” Yakobo 5:14, “Vhidzani vhahulwane, ni vha dolise nga mapfura, thabelo ya lutendo i do tshidza vhalwadze.” Urim i khou taidza. Ni a vhona? Illo ndi Ipfi la Mudzimu la Lini na lini.

<sup>46</sup> A thi naa ndavha uri hu na vhangana vha khumbulelo, vha sa tendi, vha khumbulelo, vhadzia u sa tenda vhane vha takuwa. Mudzimu u do ima nga Ipfi Lawe. O fulufhedzisa uri U do zwi ita.

<sup>47</sup> “Huno ri khou tea u nzhiela nzhele nga maanda kha hezwi zwithu zwe ra zwi pfa, zwi sa do ralo u ri ponyoka. Ngauri arali ipfi lo ambiwaho nga vharunwa (vhaporofita) lo kona u ima . . .” Who vha vha mini? Ri nga fhedza vhege kha izwi.

<sup>48</sup> Lo ima musi Mushe a tshi amba? [Tshivhidzo tshi ri, “Amen.”—Mudz.] Lo ralo ngangoho.

Mini-ha nga Eliya, o dzula nthia ha thavha? Murena vho mu vhudza, “Takuwa afho, Eliya. Ndi do dzula heneffo na iwe; ndi khou todha vhuledzane.” Mudzimu u a takalela u ledzana na vhatu Vhawe. Fhedzi a ri imi lwo edanaho ri tshi itela Ene uri a vhe na vhuledzane na riñe. Ri dzula ro fareledzea ri tshi thamuwa, u bva afha ri tshi ya afha, na zwinwe zwinzhi. “Dzula u fhumule, Eliya.” O vha a tshi khou todha vhuledzane ha miñwaha miraru na miñwedzi ya rathi. A ri koni na u Mu fha miniti miraru, zwi a kondä. Miñwaha miraru na miñwedzi ya rathi ya vhuledzani. Oo, izwo ndi a zwi funa! A ri, “U so ngo vhilahela nga u bika; izwo ri do ita uri zwi dzule two dzudzanywa. Mafunguvhu a do u kanzwa. Nahone zwe the zwi khou ya u tshimbila nga ngona. Ndi khou tou toda vhuledzane.” Hoyu muporofita wa kale, Eliya, o dzula nthia heneffo ha thavha, musi a tshi khou ledzana na Mudzimu, ngani, mulangammbi o ri, “Ndi a tenda uri ndi do gonya nthia huno nda mu dzhia.” Zwino, ni so ngo vhuya na lingedza u kwasha uvho vhuledzane.

<sup>49</sup> Ngauralo, mulangammbi a bvelela, na mmbi khulu ya vhanna, vha futhanu. Huno a ri, “Ndo—ndo—ndo da u u dzhia, Eliya.”

<sup>50</sup> Huno Eliya a ima. A lavhelesa, khoyu muporofita wa Murena! A ri, “Arali ndi mulanda wa Murena, mulilo kha u de u tshi bva taqulu huno u ni le.” Huno mulilo wa bvelela. Mulangammbi a ri . . .

<sup>51</sup> “Oo, u ya divha uri mini?” Khosi, zwavhuđi-vhuđi, a ri, “Izwo ho vha hu tshi tou vha dzone—dzone phenyo, ho tou fhira phenyo, huno dzo vha rwa. Ndi do rumela vhañwe vha futhanu.”

<sup>52</sup> Eliya a ima, muñwe wa vharuñwa, ipfi lawe lo ima. O vha a tshi tea u wana mbuelo ya tshiñwe na tshiñwe tsho iteaho nga ndila yo khakheyaho. A ri, “Arali ndi mulanda wa Murena, mulilo kha u de.” Huno vha fūthanu vha vhuvhili vha swa. Zwo luga. Mbuyelo iñwe na iñwe!

*Ngauri arali ipfi lo ambiwaho nga vharuñwa lo ima, nahone vhutshinyi na u sa pfa zwo tanganedza malamba...*

<sup>53</sup> Zwino, tshithu thihulu khetshi hafha, ndimana i no tevhela.

*Ri do ponya hani,...*

<sup>54</sup> “Ri do ponya hani?” Arali ipfi la Eliya lo disa mutshinyalo, ngauri o vha a muruñwa wa Murena, ri do ponya hani musi Ipfi la Kristo li tshi khou amba? Kana, ni kundelwa hani musi no rabelelwa, arali Li Ipfi la Kristo? Arali Kristo o ta Tshivhidzo Tshawe uri tshi rabelele vhalwadze, huno Tshivhidzo tsha ita zwe A amba uri U...uri tshi ite, zwenezwo Tshi nga kundelwa hani? Tshi nga si ralo. Ni nga kundelwa, fhedzi Tshi nga si kundelwe. Huno arali na Tshi tevhelela, Tshi do ni wedza.

<sup>55</sup> Arali na kundelwa, no kundelwa nga inwi muñe. No tou ralo u tutshela kule na Ipfi. Fhedzi arali na nga ima na Ipfi, Li nga si kundelwe. Ngauri ipfi la vhaporofita lo ita *zvikene na zwikene*, zwino Ipfi la Kristo li do ita zwiñulu hani?

*Ri do ponya hani, arali ra nga dzhieila fhasi uho u tshidzwa huhulu; hune u rangani ho ambiwa kha riñe nga Murena, nahone ha khwañhisedzwa kha riñe nga avho vho mu pfaho;*

<sup>56</sup> Elekanyani Ngazwo, ho ambiwa nga Murena. Ri nga humela murahu lungana? Ri nga ima gai, henefha lwa awara? Musi Yesu a tshi da, Ha shanduki mulovha, ñamusi, na lini na lini.

<sup>57</sup> Zwino, elelwani, tsha u thoma ho ranga u ambiwa nga Yesu, Ene muñe, huno izwo zwa khwañhisedzwa nga avho vhe vha Mu pfa. Zwino Mu thetseleseni.

<sup>58</sup> Musi A tshi da kha lifhasi, Ho ngo divhidza mufhodzi. O ri, “A si Nñe ane a ita mishumo; ndi Khotsi Anga vhane vha dzula kha Nñe. Ndi vhone vha itaho mishumo. Murwa ha koni u ita tshithu nga Ene muñe, fhedzi zwine A vhone Khotsi a tshi ita,” Yohane Mukhethwa 5:19.

<sup>59</sup> Lavhelesani musi Filipi a tshi da Khae. Nathaniele... Nga murahu ha u shanduka ha Filipi, o tuwa a wana Nathaniele. A ri, “Ida, u vhone We ra mu wana: Yesu wa Nazareta, Murwa wa Yosefa.”

<sup>60</sup> Huno a ri, “Hu nga vha na tshivhuya tshine tsha bva Nazareta?”

<sup>61</sup> A ri, “Ida, u vhone.” Ndi yone ndila ya u nyanyulea: Zwi sumbedze. Ida huno u vhone. Oo, ndi zwone zwa khwiñe zwe

nda vhuya nda zwi pfa. Ida u wanuluse nga iwe mune. U so ngo ima nnda huno wa sasaladza nga matungo, fhedzi, “Tola zwithu zwe<sup>the</sup>, huno u farelele kha izwo zwi re zwa vhudi.” Ida huno u vhone.

<sup>62</sup> Vha tshimbila na ndila, vha tshi khou amba. Musi a tshi tou swika Vhuhoneni ha Murena Yesu, A ri, “Whona Muisiraele ane khae a hu na tshivhi.”

<sup>63</sup> Zwo swotola lukanda khae, zwo ḥoda u ralo. A lavhelesa u mona, a ri, “Zwo luga, Mufunzi, Wo nndivha hani? A u athu u mmbona. U nndivha hani?” Filipi a ralo . . .

<sup>64</sup> “Phanda ha, musi a tshi vhidza . . .” A ri, “Phanda ha musi Filipi a tshi u vhidza, mulovha, musi u fhasi ha muhuyu, Ndo u vhona.” Amen.

<sup>65</sup> A ri, “Iwe u Murwa wa Mudzimu. U Khosi ya Israele.”

<sup>66</sup> Musadzi o dzhena Vhuhoneni Hawe, huno A ri, “Tshimbila, u dzhie munna wau.”

A ri, “A thi na.”

<sup>67</sup> A ri, “Ndi zwone. U na vhaṭanu, nahone ane wa khou tshila nae zwino a si wau. Wo amba ngoho.” Elekanyani ngazwo.

<sup>68</sup> A ri, “Mune wanga, ndi ḥalukanya uri Iwe u Muporofita. Izwo, ri a zwi divha uri musi Mesia a tshi da U do ri vhudza zwithu zwe<sup>the</sup>.”

<sup>69</sup> A ri, “Ndi Nne, ane a amba na iwe.”

<sup>70</sup> Huno a gidima nahone a vhudza vhanna vha mudi, “Ida, ni vhone Muthu We a mmbudza zwe<sup>the</sup> zwe nda ita. Naa a si ene Mesia?” Zwo ambiwa nga Murena.

<sup>71</sup> Ho itea mini? Yesu o ri, phanda ha musi A tshi tuwa, “Zwithu zwine Nda ita, ni do ita-vho.” Ndi zwone? [Tshivhidzo tshi ri, “Amen.”—Mudz.] “Zwithu zwine Nda ita ni do zwi ita-vho, na zwi fhiraho na hezwi, ngauri Ndi ya ha Khotsi.” Oo, ndi a kona u vha vhona musi vha tshi ya, ho<sup>the</sup>-ho<sup>the</sup>. Marko 16, “Vha tshi ya ho<sup>the</sup>-ho<sup>the</sup>, vha tshi rera; Murena a tshi khou shuma navho, a tshi khwa<sup>th</sup>isedza Ipfi.”

Huno hafha, Paulo, u khou ḥeya zwithu zwithihi. O ri one—one Mafhungo madifha o thoma u reriba nga Yesu, nahone a khwa<sup>th</sup>isedzwa kha rine nga avho vhe vha Mu pfa. Illo ndi Tombo la Mutheo. Oo, kha hu rendwe Dzina la Murena! Illo ndi Tombo la Mutheo.

<sup>72</sup> Huno u elekanya, miñwaha ya zwigidi zwivhili yo fhira. Vhadzia u sa tenda uri Mudzimu u hone vho vuwa, na vha sa tendi, na vhadzia u tima-tima, na vha si na vhuṭanzi. Fhedzi, ḥamusi, Yesu muthihi u khwa<sup>th</sup>isedza Ipfi Lawe nga nqila nthihi nga avho vhe vha Mu pfa. “Mu pfeni,” a thi ambi u pfa pfunzo fhedzi. Izwo zwi amba, Mu pfeni. Ee.

<sup>73</sup> Ri do ponya hani? U ponya hashu hu gai? Oo, ni ri, "Mudzimu nga rendwe, ndi wela kha tshivhidzo tsha Methodisi. Ndi Muphuresibatherieni. Ndi Mupentekostala." Izwo a zwi kwamani Nazwo. Huno ni ya nga matungo na ḥoda u Zwi vhidza "zwa tshimuya, kana tshipengo tsha muhumbulo, kana vhañwe vhodiabolo," kana tshiñwe tshithu. Khombo khavho!

<sup>74</sup> "Arali ipfi liñwe na liñwe lo ima ja vharuñwa . . ." Yesu o ri, "A si . . . Hu si kale, huno shango a li tsha do Mmbona. Fhedzi, vhoiñwi ni do Mmbona, ngauri Ndi do vha na inwi, nda dovha nda vha kha inwi, u swika magumoni a tshikhathi." Huno musi ri tshi Mu vhona a tshi tsela fhasi, u isa phanda na u khwañhisedza Ipfi Lawe, ri do ponya hani arali ra disendeka nga tshiñwe tshivhidzo, kana liñwe dzangano, kana dinomineisheni, kana nganea iñwe ḥukhu ya inwi muñe? Ndi khwiné ni tshi litschedza. "Ngauri tshivhi tshiñwe na tshiñwe tsho ḥanganedza mbuelo fhasi ha vharuñwa, zwingafhani-ha musi Murwa wa Mudzimu a tshi khou amba u bva ngei Mañadulu, u vhonadza Ipfi Lawe! Ri do ponya hani, arali ra dzhiela fhasi uhu u tshidzwa huhulu?" Oo, nñe-nñe! "Mudzimu nae . . ."

Ndimana ya 4:

*Mudzimu a tshi vha ḥanziela, . . .*

<sup>75</sup> Lavhelesani hezwi. Murena o zwi ḥanziela. Oo, ndo takala nga maända nga izwo! Murena o zwi ḥanziela.

<sup>76</sup> Lavhelesani. Musi Eliya o dzula kha tshikwara, huno a ri, "Arali ndi munna wa Mudzimu, mulilo kha u we u tshi bva Tañulu nahone u ni mile." Mudzimu o zwi ḥanziela uri o vha a munna wa Mudzimu.

Mudzimu u dzulela u ḥanziela. Vhutshilo hanu vhu do ḥanziela. A thi divhi uri vhuñanzi hanu ndi vhufhio, fhedzi vhutshilo hanu vhu amba nga maända, ipfi lanu a li koni u pfiwa. Fhedzi, kwañu—kutshilele kwañu, vhutshilo hanu ha duvha na duvha vhu do ḥanziela uri ni mini. Mudzimu o ḥanziela. Ee. Muya Mukhethwa ndi pfundo, nahone pfundo li džhia masia othe a bammbiri. Vha ni vhone no ima *hafha* nahone vha ni vhone ni tshi ḥuwa. Hu si tshivhidzoni fhedzi kha mushumo wa duvha na duvha. No pfunelwa thungo dzothe, ngomu na nnđa. Nga dakalo line na vha naļo, na nga vhutshilo vhune na tshila, no pfunelwa, ngomu na nnđa, lune ni a divha uri no tshidziwa nahone shango li a zwi divha uri no tshidziwa, nga vhutshilo vhune na tshila, ngauri Mudzimu u ya ḥanziela. Kha hu rendwe Dzina Lawe Likhethwa! Nñe-nñe, ndi pfa ndi wa vhurereli!

<sup>77</sup> Elekanyani ngazwo, vharathu, heneffo. Oo! "Nngu Dzanga dzi pfa Ipfi Langa, nahone mutsinda a dzi nga tevheli." Oo, madzina ashu a zwandani Zwawe hani! Zwi phanda Hawe, masiari na madekwana. Ipfi Lawe li dzula li phanđa Hawe, Pfulufhedziso Yawe. A nga si i hangwe. Huno U ya ni funa.

<sup>78</sup> Zwino, U do ḥanziela Vhawe. A ni vuli mulomo waṇu na amba ipfi, shango li do zwi ḫivha uri tshinwe tshithu tsho itea kha inwi.

... u ḥanziela, nga zwoṭhe zwiga na vhutolo, na  
nga madembe o fhambanaho, na mpho dza Muya  
Mukhethwa, zwi tshitevhedza lufuno lwawe ene muṇe?

<sup>79</sup> Kha ri dzhie Luṇwalo luthihi zwino phanda ha u vala; nga Duvha la Pentekoste, musi vha tshi ḥanganedza Muya Mukhethwa. Ho no fhela maduvha mana, Petro o vha o no fhira nga kha khoro i vhidzwaho Yavhuḍi; ene na Yohane. Vha ri, “Lavhelesa kha riṇe,” kha muthu. Huno a ri, “Maseṭha na musuku a thi na, fhedzi zwine nda vha nazwo ndi do u neya. Nga Dzina ṥa Yesu Kristo wa Nazareta, takuwa u tshimbile.” Huno munna a lavhelesa ntha nahone a si vhuye a vhudzisa tshithu ngazwo. O sokou ima huno a tshimbila. Vho vha vha vhanna vho nyadzeaho nahone vha so ngo funzea. Fhedzi Bivhili i ri, “Who tea u vha dzhiela nzhele, ngauri vho vha vha tshi zwi ḫivha uri vho vha vha na Yesu.”

<sup>80</sup> Mukomana, musi shango li tshi zwi ḫivha uri no vha ni na Yesu, musi ni tshi kona u tshila uvho vhutshilo vhu so ngo tshikafhalaho vhuhoneni ha shango lino ṥa swiswi, lune shango ṥa zwi ḫivha na u kona u vhona uri ni na Yesu; musi o netaho, phombwe ya kale yo ḥangananaho ya tshiṭaraṭani i tshi kona u vha mufumakadzi, yo ḥanzwa nga Malofha a Ngwana; Mudzimu u khou ḥanziela uri U a tshila.

<sup>81</sup> Dzhiani tshidakwa, ane o nyadzea na u nyadza mufunakadzi wawe, lune a tambudza vhana vhawe, na u dzhia zwiliwa ḥafulani, uri a zwi fhedze na phombwe. Mu litsheni a wane Yesu luthihi. Ni do mu vhona a tshi vhuya, vhunga Mmbi, we a vha a kha muhumbulo wawe wa vhukuma nahone o ambara, kha vhushie hawe na mufumakadzi wawe na vhafunwa vhawe. Ngangoho.

<sup>82</sup> Tshinwe tshifhinga tsho fhiraho, u yela kha miṇwaha ya fuiṇa yo fhiraho, musi vhurereli ha shango ho ḥangana, nahone vho fhambanaho vha takuwa nahone vha amba. Huno Vhamuhamede vha amba vho imela vhulereli ha Muhamedeni. Vhajain vha amba vho imela vha ha Jains; Mubuda a amba o imela Vhabuda. Huno musi dokotela lituku, ndo hangwa tshifani tshawe, nga tshino tshifhinga. Ndi a ḫivha dzina ḥawé, fhedzi ndo li hangwa. O amba a tshi imelela Vhukriste. Huno a amba tshiṭori tsha Mufumakadzi Maccabee wa Oklahoma, ngei Amerika.

O vha a wa u sinyuwa na u sedzelea fhasi, u swika he vha ḥoda u mu vhulaya, a vho ngo kona u vheya zwanda zwavho khæ, o vha a tshi kondä na u dina. Vha ita uri a farekwe mulandu wa: u dahan fola; u reila gariki; na u vunda yone—yone—yone milayo, rekhodo ngei Oklahoma, musi a tshi fhir a tshiṭaraṭani, a tshi

khou reila bere nna. Huno o vha a tanganana na u tshikafhala u swika tshitshavha tshi sa koni u swika tsini na he a vha a hone; nga maanda, u swika musi mutshutshisi a tshi khou ya u mu vhulaha, a vho ngo kona u mu nembeledza. Vho sokou shela tshigon̄tiri na mathenga khae, uri zwi mu vhulaye.

Huno musi hoyu mureri mūuku a tshi netshedza tshītori tshawe, nga heyo ndila, u swika a tshi ita uri vhathu vha dzule magumoni a zwidulo zwavho, vho thetshelesa uri hu do itea mini. Musi a tshi swika fhasi kha izwo: muvhi nga maanda, o tshikafhala, o nyadzea, u swika hune mulayo u sa ṭode u tamba nae, o vha o nyadzea. Diabolo wa hele o vha a tshi nga landula muthu o raloho, tsini-tsini na u ralo, nga ndila ye a mba tshītori. Zwenezwo a ri, “Vhat̄hannga vha vhurereli ha shango, naa vhurereli hanu hu na tshīnwe tshithu tshire tshi nga ḥanzwa zwanda zwa Mufumakadzi Maccabee?”

<sup>83</sup> Mūnwe na mūnwe a dzula a fhumula. Zwenezwo a vhanda zwanda zwawe, nahone a thamutshela nt̄ha muyani. A ri, “Vhugala kha Mudzimu! Malofha a Yesu Kristo ha nga ḥanzwi zwanda zwawe fhedzi, fhedzi A do ḥanzwa mbilu yawe nahone a mu ita Muselwa Wawe.” Ndi a ni vhudza:

Tshilidzi tshi mangadzaho! muungo u takadzaho hani,  
We wa tshidza muvhi a nga ho nne!  
Ndo vhuya nda xela, fhedzi zwino ndo wanala,  
Ndo vha ndi bofu, fhedzi zwino ndi a vhona.  
  
Ndi tshilidzi tsho funzaho mbilu yanga u ofha,  
Ho vha tshilidzi tsho pandelaho nyofho dzanga;  
Itsho tshilidzi tsho bvelela zwavhūdi hani  
Nga awara ye nda thoma u tenda!

<sup>84</sup> Ngangoho. “Ri do ponya hani, arali ra dzhiela fhasi zwo raloho?” Ni litsha u la, ni do fa. Ni dzhiela fhasi u khona, ni do wa. Ni litsha u hama mafhi kha kholomo, a do oma. Ni litshedzela mano anu, ni do ita uri a kuliwe. Ngangoho. Ni badela u sa londa hanu.

<sup>85</sup> O Thaberenakele ya Branham na vhoiñwi vhadali, i ri ni ndi ni vhudze zwiñwe zwithu zwino. Ni litshedzela u ḥanziela vhugala ha Mudzimu, ni litshedzela u neya Mudzimu thendo na vhugala, ni do di wana ni tshi rothola, ni vhukati, nahone no humela murahu, liñwe la haya mađuvha. Neani Mudzimu thendo. “Ri do ponya hani, arali ra dzhiela fhasi uhu u tshidza huñulu?”

<sup>86</sup> Li khou thoma u vha luswiswi. Zwo sokou itea nda vhona Mukomana Thom, o dzenahao murahu afho. Ri do vala huno ra isa phanda madekwana a ñamusi, Murena vha tshi funa.

Kha ri rabele lwa tshikhalañyana.

<sup>87</sup> Khotsi ashu wa Tađulu, phathutshedzo kha dzi de kha Iwe, na thendo, na khuliso, na vhugala, na vhučali, na nungo, na maanda, u ya nga hu sa fheli. Oo, kha Ngwana yo dzulaho kha Khulunoni, vhuvhusi na mivhuso na zweithe zwe netshedzwa kha tshanda Tshawe. Musi A tshi vuwa vhafuni, u itela u luga hashu, O huwelela kha shango, “Maanda othe a re Tađulu na kha lifhasi o netshedzwa kha tshanda Tshanga. Tshimbilani, ni ralo-ha, kha shango lothe huno ni rere Mafhungo madifha.”

O Ngwana ya vhudi i faho, Malofha Au a vhudi  
 Ha nga vhuyi a xevelwa nga maanda Ao,  
 U swika Tshivhidzo tshothe tsha Mudzimu  
 tsho rengululwaho  
 Tshi tshi tshidzwa, uri tshi sa tsha tshinya.

<sup>88</sup> Ri thusē, riňe vhashumeli, kha u vhona uri ri khou ūoda zwinzhi; ri tea u vha na tshivhidzo hani, ri tea u vha na hezwi, ri tea u vha na zweithe.

<sup>89</sup> Vhasadzi vhashu, phanda ha musi vha tshi ya tshivhidzoni, vha kha di ralo u divhidza Vhakriste, vha tea u vha na tshiambaro tsho fhambanaho, kana vha tea u ambara lwa vhudele.

Huno vhareri vha tea u vha na tshelede nnzhi nga maanda phanda ha musi vha tshi da, nahone tshiñwe na tshiñwe tshi tea u vha *tshikene na tshikene*.

<sup>90</sup> O Kristo, musi ndi tshi vhala hafha, “Vho divhudzisa hani, kha mikumba ya nngu na mikumba ya mbudzi, vho tshila tshitumbani tsha lifhasi, na mabako.” Vho divhudzisa, fhasi ha mutovholo muvhī, huno, fhedzi, vha wana Lutendo, fhasi ha vhushumeli ha vharuňwa. Ri do ponya hani, musi Murena Yesu o ri neya mahaya a vhudi, na dzigoloi, na zwiambaro, na zwiļiwa? Huno ri a gungula. Rī dzula u mona. Ri a bvafha. A ri lingedzi u bvela nnda nahone ra ita tshiñwe tshithu ngazwo. Ri do ponya hani, Mudzimu?

<sup>91</sup> Oo, ndi rabela uri U dugise u dzikusea ha kale kha mbilu inwe na inwe, ano matsheloni, Murena, uri vhatu vha takuwe nahone vha dzhena khazwo. Kha ri shume musi tshedza tshi kha di penya, ngauri duvha li khou kovhela. Huno vhatshilotshedza vhu khou ūwa, nahone a hu tsha do vha na tshifhinga. Tshi do fhelela kha u ya nga Hu Sa Fheli.

<sup>92</sup> O Mudzimu, tendela namusi uri ri ūwe na bono liswa, na vhučali, na u pfesesa, u divha uri ri ya hani kha vhatazwivhi na u vha disa kha Kristo. Ipfa thabelo ya mulanda Wau, Murena.

<sup>93</sup> Ndi a humbela, arali hu na muňwe, a sa divhi Kristo sa Mutshidzi wavho, ni do ralo u imisa tshanda tshanu nahone ni ri, “Nnyelelwe, Mukomana Branham”? Ni do ralo u tou imisa tshanda tshanu, ni ri, “Nnyelelwe. Ndi khou ūoda u vha Mukriste. A thi ūodi u isa phanda na u zwi nyadza”? Mudzimu a ni fhađutshedze, murahu afho, muňe wanga. Muňwe muthu-

vho? A ri, “Ndi khou ḥoda u imisa tshanda tshanga, Mukomana Branham. Nahone ndi khou ḥoda u ṭanganedza Kristo, sa Mutshidzi wanga, ndi nyadza, tshifhinga tshothe. Oo, ndi a ya tshivhidzoni, zwo tou ralo, ndi wela kha tshivhidzo.”



*VHAHEVHERU, NDIMA YA VHUVHILI* 1 TSV57-0825M  
(Hebrews, Chapter Two<sup>1</sup>)  
BUGU YA MILAEDZA YA VHAHEVHERU

Hoyu Mulaedza nga Mukomana William Marrion Branham, u rangani wo  
ñewa nga Tshiisimane nga matsheloni a Swondaha, Thangule 25, 1957,  
Thabereneakejeni ya Branham kha la Jeffersonville, Indiana, U.S.A., wo dzhiwa  
kha rekhodo ya theiphi ya maginete huno wa gandiswa u songo pfufhifhadzwa  
nga Tshiisimane. Heyi þhalutshedzo ya Tshivenda yo gandiswa huno ya  
phadhaladzwa nga vha Voice Of God Recordings.

TSHIVENDA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)